

Die Katz iss außem Sagg

Omm letzde Somsdaach hawwe merr allminonner beim Schorsch uff de Terrass gesotze, hawwe Kaffee gedrunke unn Erdbeerkuche gesse. Awwer kaum hadde merr unser erst Schdigg gesse, seets Kättche: No ihr Menner, habbderr uns nix ze saache?

Ihr wollt doch sicher ebbes, mächt die Paula weider, mir moone nemlich, weil ihr seit e paar Woche su folchsam seid, dasserr widder mol nooch Rüddessem in die Drosselgass fahrn wollt, isses nitt su?

Naa, hawwe mir alle drei uff oomol gesaad, doo wolle merr nitt hie, dess deet ihr joo aach garnitt genehmische.

De Karl seet: Also Schorsch, loss emol die Katz außem Sagg

Doo fängt de Schorsch oo: Ja, ihr Mädcher, ihr habt Recht, mir warn su brav, weil merr ebbes vunn eich wolle: Mir wolle jetz im Summer mol nachts uff die Kelb, dort e Laacherfeiersche mache, in de Sternhimmel gugge, vunn alde Zeide verzähle unn erst moins hoomkumme.

Isch saach: Ja, dess hawwe merr vor unn dess werdd bestimmt schee

Was wollt ihr mache?, gauzt die Paula, e Laacherfeiersche uff de Kelb? Wissderr wen ihr doo alles frooche misst: Die Stadt, die Feuerwehr, de Nadurschutz unn aach die Fraport. Weil wenn enn Pilot dess Feier sieht duder dess sofort melde, weil de Raach vunn su emm Feier kann dene die Sicht numme, wenn die nachts londe wolle. Unn schunn kimmt die Bollizei unn gibbt eich enn Knolle. Naa, moin Karl mächt doo nitt mett. Dess Kättche seet: Wissderr was ihr alles mettnumme misst? Feierholz, Oozünder, ze esse unn ze drinke, Decke unn uffblosbare Kisse, lange Unnerhose unn dicke Jacke? Unn donn soll isch dem Schorsch widder e paar Woche long de Buggel oireiwe, weilers widder im Kreiz hott? Naa, dess gibt's nitt.

Moi Fraa seet: Was Bosse mett su emm Laacherfeier! Wenns Feier brennt, dut merr dess in de gons Geeschend seh unn donn kumme su Kerle unn haache eich uff de Kobb, weilse moone, bei eich wär ebbes ze holle. Naa, dess kimmt nitt in Frooch.

Och, dess iss awwer schad, habb isch gesaad, no ja, wenn mir mol ebbes wolle! Nix derrfe merr mieh mache.

Unn mir drei Menner hawwe gons bedröbbelde Gesichter gemachd.

Doo moonts Kättche: Dess iss werklisch nix mett dem Laacherfeier ferr eich Alde. Awwer isch denk, ihr ward su brav, mir wolle eich joo aach nitt de Spass numme, macht doch ebbes onnersders.

Emm Karl sinn die Träne kumme. Was solle merr donn onnersders mache? Mir wollde su gern unser Erinnerungge onns Zeltlaacher im Wispertal uffrische.

Doo seet moi Fraa: Ei doo fahrt doch widder mol nooch Rüddessem. Isch glaab, jetz hädde merr nix degeesche, odder?

Naa, hawwe die Paula unns Kättche gesaad, wo mir eich nitt uff die Kelb losse, derrderr widder mol nooch Rüddessem fahrn.

De Schorsch hott de Karl unn misch oogeguggd unn donn gesaad: Also wennse dess wolle, donn fahrn merr halt emol nooch Rüddessem.

Isch saach: Awwer nor unner Protest.

De Karl druff: Vill liewer hädde merr joo e Laacherfeiersche gemacht, gell, ihr Menner?

Unn de Schorsch: Awwer werklisch.

Unn isch habb gedenkt: Enn mords Trick vumm Schorsch mett dem Laacherfeier. Weil uff die Art kumme merr widder mol nooch Rüddessem in die Drosselgass. Eiern Honnes